

LATIHAN PENGUKUHAN BAHASA MELAYU TAHUN 4

KEFAHAMAN SIRI 4

Disediakan oleh :
Cikgu Norsuhana Binti Mohd Nordin
SK Seri Kota

Baca petikan di bawah dengan teliti, kemudian jawab soalan-soalan yang berikutnya dengan menggunakan ayat yang lengkap.

Aku si bunga raya. Aku mempunyai keistimewaan yang tersendiri berbanding dengan bunga-bunga lain. Aku mempunyai pelbagai jenis dan warna. Namun, bungaku yang berwarna merah lebih bertuah berbanding dengan rakan-rakan seangkatan yang lain.



Negara ini telah memilih bunga raya yang berwarna merah sebagai bunga kebangsaan. Warna merah dikaitkan dengan keberanian. Berani dalam menempuh cabaran untuk kemajuan negara. Lima kelopak pada bungaku pula melambangkan lima prinsip Rukun Negara yang menjadi pegangan masyarakat di negara ini.

Aku ditanam di tepi jalan-jalan utama, di rumah dan di taman-taman rekreasi. Pokokku berbunga sepanjang tahun. Cara penanamanku juga mudah, iaitu melalui keratan batang sahaja. Aku tidak perlu penjagaan yang rapi berbanding dengan bunga-bunga yang lain. Inilah salah satu keistimewaan yang aku miliki.

Selain bunga yang cantik, bahagian tubuhku juga amat berguna. Daunku sering digunakan dalam perubatan tradisional untuk merawat demam. Daunku akan diramas sehingga berlendir. Lendir ini akan disapukan di kepala. Rambut manusia juga akan lebat jika rajin menyapukan lendir daunku ini.

Aku bersyukur dengan keistimewaan yang aku miliki. Aku akan berkembang mekar mewarnai alam ini selagi hayat dikandung badan.

- 1) Bunga Kebangsaan Malaysia ialah _____.
- 2) Lima kelopak yang terdapat pada bunga raya melambangkan

- 3) Saya ingin menghiasi halaman rumah dengan pokok bunga raya yang pelbagai warna. Untuk menanamnya, saya perlu

- 4) Selain digunakan untuk merawat demam dan melebatkan rambut, nyatakan kegunaan bahagian-bahagian lain yang terdapat pada pokok bunga raya.

